

嘉靖九江府志

九江府志卷之九

職官志

公署

戶部分司 在郡城西門外景泰庚午

朝廷用議者言於九江府地方設立鈔關一所凡船隻上下計料多寡收錢鈔有差以供經國之費是年戶部主事李蕃始領其事時權政新行厰基未定蕃乃相厥攸宜得地於湓浦坊之左中創正廳

府志卷之九

一

後爲退省堂廳之左爲錢鈔庫堂之右爲私廨前爲露臺爲甬道傍列兩廊東隅爲庫皂房西隅爲土神祠外爲大門繚以危垣天順初屬江西布政司委官監收成化元年裁革踰年復之仍差部官領焉三年主事李雄因關前江岸崩陷乃伐石甃結高二丈廣八尋弘治元年仍屬江西委官監收五年饒州府通判張璽因廳事圯壞增加修葺六年復領於部官十年主事白金於正廳後構樓五



楹高四丈廣倍之扁曰明遠十六年主事李世亨
因明遠樓圯復於大門外邊江結亭三間扁曰廣
視十八年主事耿繼玄於關前通衢樹二坊牌左
曰足國右曰裕民正德八年主事張嵩又撤舊而
大新之中之廳移却五武遷土神祠於前門之左
建錢鈔庫於正廳之右易前門爲譙樓新垣墻以
磚石垣之左右各爲一巷以便巡警其私廨兩廊
俱各鼎建視舊規益煥然矣十五年主事周汝勤

因廣視亭廢樹枋牌一扁曰戶部分司臨江岸列
柵爲露臺圍以木檻扁正廳曰水藥易裕民爲通
商嘉靖元年主事李經以關右磯水衝樅每遇風
濤舟泊不便 奏

請於海天隄北建立新廠欲使上水船泊於龍開河
下水船泊於官籬夾二年主事張居仁奉勘令修
完行人王汝賓爲之記見詩文志三年主事劉雍繼至
主事俎琚陳儒謝旻俱以新廠荒野誨盜且多水

患復居舊殿六年主事寇天與立石於堂題監料
主事姓名爵里湖廣提學副使郭持平有記見職官志
又扁正廳曰水鑑後堂曰光大其規制益備焉

兵備按察分司在郡城東玄妙坊去府治一里許成

化十三年

朝議以九江據金陵上游襟帶川陝湖滇閩廣爲東南
要衝開設武臣一員守備茲土以控制安慶建陽
等處時南京府軍衛指揮使陸宣首任是選乃創

府志卷之九

三

正廳後寢廊房儀門之屬然卑隘而未宏也成化
二十二年金吾衛指揮使翁琦代之以規制勿稱
乃購民地拓而增之建鎮靖坊於前門外而廳堂
門舍煥然改觀教授傅榮爲之記見詩志廳之西有
岡呂如乃立小亭爲遊息地扁曰乾坤一草亭弘
治間指揮使丁程代之遵軌重修而易前亭扁曰
望廬正德辛未春盜起旁午江南爲甚兼北寇出
沒江漢時九江府知府李從正請於總制都御史

陳金謂守備武臣權任稍輕一忽有警難於調度
乞奏

勅按察司憲臣一人整飭兵務改守備官於安慶疏上
制曰可是年夏副使周廷徵至于時軍務倥傯仍舊
守而未更也明年壬申副使馮顯繼至於兵政槩
舉之暇以分司乃守備舊宅非風憲防奸別嫌地
乃購司東隙地遂撤舊而大新之中創正廳扁曰
霜衡廳之前築栢臺臺東西爲廊各十二楹以便

府志卷之九

四

吏卒東南角爲土神祠臺前爲儀門扁曰憲臺又
前爲大門扁曰按察分司司外通衢樹二坊牌東
曰振揚西曰肅清廳之後爲資政堂翼以兩廂左
曰文房以架卷案右曰武庫以貯兵鎧堂之後爲
公廨凡若干楹繚以危垣垣之外有園圃之東北
隅構小亭扁曰觀物於西岡亭名望廬者改曰歲
寒而規模崇邃竄後前觀翼然爲東南重鎮仍自

爲之記

記曰九江安慶二郡爲東南要衝水陸輻
輳江湖交流控楚蜀扼吳越爲南畿上流

之喉襟歷代有國家者咸以此地爲重鎮我朝
列聖相承籌畫險要嘗命選間將爲九江守備其
南顧之憂恒拳拳也正德辛未盜賊四起江西尤
甚又比方流賊縱橫江上時兵部建議上請改守
備於安慶勅憲臣一人整飭兵備於茲壬申秋
予受命自徐而來大懼弗稱博採群策修城池繕
甲兵實士馬造戰艦教之以水陸戰陣之方忠君
親上之道而又信賞必罰鋤奸剷弊凡可以裨益
人國者悉力爲之無所顧慮視事久之軍務事宜
大綱槩舉惟分司乃守備舊宅門堂湫隘垣墻卑
頽甚非風憲防奸慝別嫌疑之規制也乃與僚屬
僉謀皆同於是相形勢拓舊址建堂五楹以出政
令規模宏敞扁曰霜衡堂之後建堂集書扁曰資
政堂之前築臺植栢名曰栢臺其資政之兩廂各
構三楹左曰文房以架案牘右曰武庫以貯軍器
臺之東西各構廊十楹以爲吏胥書辦輿皂食息

府志卷之九

五

之處臺之前八丈許建儀門三楹扁曰憲臺儀門
之前十丈許建大門制一如儀門之制扁曰按察
分司周圍繚以墻垣計高丈許而廣半之墻外有
垣園園內有臺臺下有沼草木夭喬魚鳥飛躍構
亭曰觀物西有堆阜松竹與梅三友交翠亭曰歲
寒門外樹二坊以跨通衢東曰振揚西曰肅清其
高下廣狹與夫黝堊青黛之飭舉中程度而豐險
降殺亦適宜焉肇工於壬辰之冬落成於癸酉之
春適有客過環視良久顧謂予曰子能整飭兵備
百廢俱興不遠農時速成偉觀况鳩材伐石埏植
之費悉自區畫未嘗於公帑及私歛凡此皆所以
爲軍民也考之春秋凡有爲民修建皆紀之子可
無一言以記之耶予曰欲自記之則苦於不文乞
言以記則近於自炫故不敢也然始建名扁之初
亦有微意存焉蒞霜衡則思清平登栢臺則思節
介觀按察分司則思廉訪所屬之方觀憲臺則思

維持風紀之體出而仰觀於振揚肅清之坊則思奮勵威武以靖地方入而退居於資政之堂則思幡閱書史以資政理公暇之觀物亭則廣康節言外之意而推仁民愛物之心之歲寒亭則遵尼父垂訓之旨而堅臨節不奪之操若此者蓋若顧名思義觸目警心竊效盤銘之遺意以自策礪於寡過耳是豈爲聳觀瞻事逸豫哉抑豈專爲防奸慝別嫌疑設哉尤思負荷之重夙夜匪懈篤守忠貞武固不可不懼而亦不可因耀武而窮兵安固不可以忘危而亦不可因慮危而啓釁先聲素著賊不入境者上也武畧素定敵不可勝者次也思以結之誠以孚之威以馭之令以申之則民無非兵動無非備上以副 聖天子重書之命下以造一方軍民之福使居是居而無負且乘之愧耳若曰有爲於民而記之則吾豈敢客 正德戊辰副使曹日有是哉誠可記也書以記之

府志卷之九

六

雷載新厥制嘉靖改元副使周廣乃大加修飭書文德堂以易霜衡之扁復於司外東南隅十步許築將臺高丈餘廣倍之樹大將旗於上題曰鎮靖以肅軍令明年副使謝迪仍諸制新焉復改跨衢坊牌之類以吳楚猴襟易振揚以江淮保障易肅清改觀物亭曰賓廬越三年丙戌副使何棊至重爲修飭而增所未備以長江重寄而窺敵觀變莫要於據高望遠乃即廳左高埠賓廬亭基創樓五

楹扁曰復庾蓋以庾亮都督江州有樓今廢欲紀其名也樓高三尋廣五尋臺飛峻竦氣槩軒豁而

分司益為偉壯焉復自為記以紀之記曰予以南京太僕寺少

卿出調九江兵備蒞事初巡視城垣西至江潯有磯傾突下瞰千尺從者曰此庾樓磯也予曰樓安在從者指曰磯傍遺墟瓦礫存焉舊出江百武歲遠水衝所餘者僅此予縱目四顧雲物飛繞水怪出沒仰而歎曰此九江之奇觀也返而詢諸縉紳咸曰昔庾亮節鉞東南作樓此所時與殷浩褚裒輦登臨悵望清談燕飲坐胡床對明月風流游衍名至今存予聞之意古人有不盡然者夫當有晉顯康正江左多事蘇峻跳梁祖約不軌而元規擁握重兵與陶溫諸君子并心戮力克靖內難橫壑

府志卷之九

七

枕戈踰年未息則斯樓豈特為宴安設哉且九江乃金陵屏翰左襟洞庭右帶彭蠡上控滇廣下接吳越實要衝用武之地而憑高觀變兵家所先古有籌邊建樓者庾之意固不在茲乎及再至址所欲復其樓而迫於城一日偶登公署左岡之賓廬亭巖然壘然一望千里比於磯尤崇且固因自喜曰庾樓之復固其所哉乃謀於郡之長貳東曰漢姜曰輅議移近署東嶽廢祠材取諸近力便於民寔事半而功倍者遂命官撤之而改構焉樓高二丈有奇深廣各四丈地位迥絕得負震拱允之宜開八窓視四表山川形勝城郭人民靡不在目噫嘻此又九江之大觀也樓之功始於嘉靖丁亥仲春諭三月而告成相繼而登眺燕落者先有江西巡按御史徐子世瞻戶部員外郎謝子仁夫後有江西巡撫都御史陳公高吾布政使張公中洪泰議邵公獨山張公皆一時道德名流顯昂碩

輔倡酬有風雅之音談論無老莊之誕其視晉君子輩果孰為盛然先憂以作樓因樓而後樂此元規千載之心與予今日一致也因名其樓曰復庚而為之記鄱陽史東詩云小樓新構草堂東公暇來登氣槩雄坐鎮晉卿才自羨籌邊蜀帥志還同一簾風月塵埃外千里江山指顧中吳楚興衰多感慨開尊無厭鼓逢逢○新樓極虛敞竹樹還陰森何意城市中有羨如山林達人欲遠覽小構依孤岑飛甍卷朝霧踈簾含清淨我來坐移晷冷然風蒲襟煩歎已蕩滌杯竿勞重斟江山有清賞逸興發豪吟昔人盛風致流傳猶及今清談豈足貴保障應同心名樓義在此良賈真哉深○史徐公詩云岫嶽高閣屹江州楚水吳山一望收萬象森羅時縱目一方保障獨登樓鷺花檻外成清賞冠蓋樽前作勝遊半日馮龍幽興足恍然身世在瀛洲○馬齊何裴詩云重樓高壓九江州溢

府志卷之九



浦庄廬一覽收宋守清風應有閣庾公明月可無樓靖安每欲同民樂樽酒何妨與客遊日晚憑闌望江北依依帆影度桑洲

探江廳

舊為天妃宮在城東北里許嘉靖九年知府馬紀以撫按臨郡水操不便請改為廳

適操江都御史張璠至命創立焉鄱陽史南昌德

之東北若干武其地舊為天妃宮址前臨大江背負匡廬左接庾樓磯右挹英布祠形勢既高敞而廳之制則前為正廳五楹捲棚三楹後廳復三楹左右廂房各六楹其傍為甬衛宮廳者又各三楹東西門樓二座而將臺一座則峙其前左焉規模氣象又稱其雄壯亦一方偉觀也先是九江衛水操閱視未有廳身臨事則於空地立廠既多勞費不便且無以壯威觀嘉靖九年秋提督都御史張

公璿乃始命創立於時知九江府事馬君紀同知府事黃君敏才衛指揮程君鑑樂君鳳相與協贊朔度遂有成議張公復檄發安慶府所貯贖金三百二十餘兩以爲工料費委鎮撫孫霖以董其役既而都御史潘公珍周公叙相繼督察整飭兵備副使秦君鉞劉君可加意責成始事于嘉靖十年春二月至十三年春三月工乃訖厥既落成馬君輩具書來請記予惟九江地當吳楚之衝上控荆蜀下蔽金陵實東南重鎮我

太祖高皇帝既逐滅僞漢即並設府衛屯兵戍守且固長江之險復立水探之法使以時練肄蓋寓安不忘危意也及承平既久武事漸不講一旦有警輒倉皇失措如近歲劇賊劉七之奪舟奔軼縱橫往來曾莫敢擾迨濠之變城以不守此豈非玩武弛備之過邪今

天子大興治理頃因江洋多盜申嚴備禦之令公祇承

府志卷之九

九

明命所至躬自督勵既增修九江衛戰艦若干艘乃復有此廳之立焉夫豈徒務興作侈一時觀美已邪蓋臨闕有定所則主將之威令時有所加訓練有常期而士卒之勇敢可因以倡振又類之武備杜窺伺之奸謀使江防日固國威益壯以上贊久安長治之

聖謨下爲地方無窮之保障者固於此乎在而亦諸君之所以協議效勞以共有成績者也若夫廳立矣而所謂操備之法玩弛猶前日焉則亦虛器也已矣是豈公與諸公創建之意邪是爲記

職官志

公署

府治在郡城內西北隅自漢以來興圯不一宋開禧間知軍州事余崇龜重建元至正六年總管劉恒增置壬辰兵燬

國朝乙巳經歷李仁知事詹端仍舊址開設洪武元年知府龔琬撤而新之中為治廳左經歷司右照磨所司之左為架閣庫所之右為大盈庫廳前為

府志卷之九

九

露臺臺前甬道戒石亭據其中兩廡列為六曹又前為儀門額曰承宣沿墻南轉而東二十步為小門門之前為土神祠左翼為榜廊右則譙樓即府之正門也儀門之東有理刑廳西有徵糧廳今徵糧廳廢惟舊址存焉正廳後為穿堂又後為存省堂堂之後為知府宅左右介為同知通判宅左前為推官為檢校為照磨宅右前為經歷為知事宅吏舍列廳外左偏之前其後為軍器庫周圍繚之

以墻洪武二十三年知府林宗得正統六年知府林越繼加修飭年久傾圮至成化間知府趙祺復修弘治三年知府童潮改造正德九年知府李從正嘉靖元年知府王念咸因舊貫而飭之嘉靖四年知府東漢移司獄司於正門內左隅移架閣大盈二庫附正廳之傍增廠廳於正廳前又明年知府馮曾載新諸制而規構益弘麗矣

司獄司

舊在府門外通和坊左洪武元年知府龔玘建嘉靖四年兵備副使謝迪借知府東

府志卷之九

十

漢遷於府正門內左隅

稅課司

在滄浦門內去府治二百步許洪武元年知府龔玘建

潯陽驛

在滄浦門外地名通津浦元至正六年總管劉恒修何天啓記畧曰按潯陽為江西

重鎮據三江之口當四達之衝自北而南馳驛奔輶者殆無虛日使驛舍圯壞何以稱大藩之觀瞻而昭事上之敬劉侯舉而修之可謂知所務矣方今四海一家日月所照舟車所至罔不臣服置郵傳命適館授粲此古昔露宿有委候館有積之遺意也今夫常人之居一日必葺其墻屋而賓客之來猶思所以館轂之道矧奉天子命出使萬里外遽廬之宿可不盡心乎斯亭斯驛於焉更朽腐而易以壯麗飾漫漶而加以華采翼然偉觀前此未之有也侯自下車以來立芻蕘之法而覈其贏餘

穀得三百九十餘石以易楮幣五千五百九十緡
有奇悉以供木石之用不足則助以俸不勞於民
不廢於官皆侯所經畫也以至驛騎器具庖廡
庫無所不用其心夫驛之作寔以敬君命而等王
人非徒為觀美而已劉侯敬君如敬天愛民如愛
子是以天順人和郡邑大治故凡力役之興事成
而民不擾也豈特驛然耶彼美新驛伊誰之功四
方至者停驂弭節飯芻憇息於是乎得所矣皇華
達而有光固不待詠謀詢度而知劉侯之政也謹
記 洪武元年知府龔琬重建弘治間知府童潮
增修

九江府遞運所

舊在府治西湓浦門外龍開河洪
武七年遷於湖口縣地名拓磯去

府城北
六十里

府志卷之九

十一

批驗茶引所

在湓浦門外清平坊去府治西三百
步洪武六年大使楊名道建嘉靖五

年裁
革

醫學

在譙樓前之東舊無廨宇弘治間知
府高友璣建嘉靖間知府馮曾增修

陰陽學

在譙樓前之西舊無廨宇弘治間知
府高友璣建嘉靖間知府馮曾增修

僧綱司

舊在湓浦門外龍池寺
今遷於府治東能仁寺

道紀司

在城內
萬壽宮

申明亭

在府治醫學前洪武
八年知府周文質建

旌善亭

在府治陰陽學前洪武
十七年知府賈本建

接官亭

在滄浦門外地名泥沱甯
嘉靖四年兵備謝迪重建

譙樓

在府治前即府正門歲久傾圮
知府王念重建

正德十六年
粵自明主

式邦國必建樓城以接鐘鼓挈壺氏掌之伺日畧
出入節晨昏伴民無踰防非後杜濫崇大觀也我
國自京師達于郡邑等威大辨器制惟均亦率乃
成憲九江遭寧即煽亂百度俱隳道民之路視他
郡尤汲汲焉若位前左方為譙樓歲久傾圮梁菱
棟蝕如巖墻然郡守王公廷重承先大夫家學繼
登甲科陟郎署膺簡命適蒞茲土日擊心憐深惟
公私告匱事既不得已而舊費殆不可仍乃謀諸
僚友曰昔管仲相齊作內政寓甲兵令犯者得入
贖輕重有差民不勞而事集毋乃救時之遺澤乎
余曰善暨請諸當道咸是其議爰卜日輪材木貸
於商瓦假於陶人日括五刑應贖者償其直工匠

府志卷之九

亭

稍食亦稱其事力役假丁夫之羨秋毫無與於平
民民若罔知公之有斯役也三閱月樓之高廣增
舊三之一工緻審密又遠過之軒亢闕爽華音四
達疾徐三止興作休偃無先時亦無後時君子
曰斯樓之建有三善焉不遠嫌避難視官府如傳
舍事上不亦忠乎毋假公作以資漁獵行已不亦
嚴乎事半於性昔而功實倍因樓而門堂以新綜
理不亦周乎由是觀之公之意美法良與夫政平
訟理滯者興敝者補剔痼濯污挈而新之遂致政
事之康又有不依形而立者皆斯樓類也自公之
行如樓之為何天下國家之務諱有弗舉者哉樓
許庚辰冬首事今年孟夏落成貳守王公元量通
府張公天翼節推余公昌期亦嘗彈力以左右謂
公建樓當示久遠垂將來不可不記以紀從薦紳
之後強之屬筆雖不文不獲辭也謹
述願末以拓輿論候觀風者來焉

鐘樓在府治東南預備倉左洪武二年知

布政分司在府治南世德坊正統六年知府林越

正德間知府李從正相繼修嘉靖間知府馮曾重修

九江道在府治南世德坊洪武三十三年知府李

正德間知府李從正相繼修嘉靖間知府馮曾重修門外增葺柵欄

府館在府治南九江道右正德九年知府李從正建

清軍館在府治南岳武樓王祠右正德間知府李

存焉

府志卷之九

儒學倉在明倫堂之西弘治三年知府童潮建今圮

廣盈南倉在府治東豐儲坊崇烈祠後平廣燥剛

存留以備軍餉今廢廢址存

廣盈北倉在府城北福星門內洪武間知府龔琬

置

直隸九江衛在郡城東北玄妙坊洪武二十二年指

揮陸旺以玄妙觀舊址創立天順三年指揮董綱

孫睿仍改飭舊規弘治間指揮孫瓚邵暹李貴繼

加修葺正德間指揮劉勳重修

正廳五間
後廳九間

儀門三間
大門三間

鎮撫司三間
附獄一所
經歷司三間

知事廳三間
廂房三間

司房六間
架閣庫一間

旗纛廟三間

倉二座
今廢

府志卷之九

千戶所俱圯惟曹門五間

德化縣附府治西南崇儒坊之東漢為潯陽縣

晉永興元年置於江州之西去郡一十五里地名

鶴問賽隋開皇間因水患遷今治所唐改曰德化

元季燬于兵

國朝洪武初知縣張康泰因舊基開立洪武四年知

縣陶遂增建公廳三間幕廳一間左右介為金銀

架閣二庫後為退思堂及私宅廳前東西列六房

外爲儀門儀門內左爲典史廨左前爲吏舍右前爲犴獄丞簿輩於正統二年而廨亦廢舊址在知縣宅之東西儀門外左偏爲土神祠去五步爲大門永樂八年知縣符銘鼎建天順七年知縣陳敏改立儀門弘治五年舊制圯敝知府童潮命知縣朱麟更造一新正德七年知縣姚永復修嘉靖元年知縣周世雍置學道愛人坊於甬道前移戒石銘於下前後廳宇亦加修飭焉

江之附郭邑也以

府志卷之九

十五

鄉計不十里計不百戶計不萬而所出之賦亦不越其數誠下邑也然居江右要衝之地上下往來者絡繹不絕館穀之需御送之勞較之大邑則反倍焉爲其邑之事者不有賢府侯派於上則其政之難爲雖滕薛大夫不是過也麟奉命來知此邑常愧其才之弗勝而幸其時之有遇也今九江主府政者慈谿童侯先麟至此地五年百姓服其化久矣邑中之政劇者省之勞者節之綜理咸良使吾屬得以從容於撫字之間一日以縣之治事廳堂敝壞殊甚弗稱觀瞻親至邑相視調度發府內餘財若干命麟創新改作規模視舊高廣加倍而朴素渾堅亦勝之煥然亦子男國之治也首事於弘治五年之秋次年仲夏告成是邑父老謂麟宜記其事無以忘侯之功麟謂魯人作長府閔子有何必改作之言聖人取其言之有中至於修泮官復闕宮奕斯作頌聖人又以其言之有是而錄之於經

何也蓋興作有宜不宜也長府貨財之所故宜仍舊闕宮泮宮禮樂之區未可敝之而弗新焉者故作是不以為嫌也泮宮闕宮既不以為嫌况出政治以行禮樂之所乎於乎邑治之增建則國朝洪武改元知縣張康泰四年知縣陶遂正統天順知縣馬驄陳敏也百餘年來數尹漸成之室而童侯為我邑一旦新其敝陋以為民瞻實曠載之良遇也居是堂以聽政者可知所自乎謹書於石從民請也私云乎哉銘以系之

銘曰星有郎官縣之尹也古子男爵民至近也休戚繫焉職宜謹也堂宇傾頽政之梗也百年修舉嗟孰肯也府侯童公實我領也材良工朴誠久未也門廊除道靡不整也斯干等宇敢比味也南面於斯民我幸也公聲之垂實炳炳也庸以銘之慰我請也昭然於石匹彝鼎也

府志卷之九

十六

申明亭

在縣前之東洪武八年知縣陶遂建今廢

旌善亭

在縣前之西洪武十五年知縣趙伯達建今廢

龍開河鎮巡檢司

在湓浦門外玉波橋左洪武元年巡檢張信建弘治二年燬於

火三年知府童潮命巡檢朱愷重建

城子鎮巡檢司

去城西四十里大江之北洪武元年巡檢張翔建弘治四年巡檢翟

英重建

南湖嘴鎮巡檢司

去城東四十里臨彭蠡湖口洪武元年巡檢木八刺建末樂元

年巡檢閱
年善重修

小池小江河泊所

在封郭洲去城十里大江之北

年典史童志奏將沙池高頭湖桑落洲二處河泊所裁革併屬本所

鶴問賽河泊所

去城西南十五里洪武元年所官蔣榮輕建正統間所官方玘修

魚苗廠

在溢浦門外龍開河渡口

官湖河泊所

在梅家湖去城三十里正統元年所官胡從龍建

儒學倉

在儒學戟門之西弘治三年知府童潮重建今廢

德安縣志

舊歷陵縣基王莽時改為蒲亭晉隋因

之唐貞觀八年改為蒲唐驛僞吳順義七年始為

德安縣治宋淳熙八年知縣劉永迪重建元至大

四年達魯花赤保義目忽難增修壬辰兵燬

國朝洪武三年知縣鄭剛仍舊址開置中為治廳左

為幕廳右為架閣庫下列六房以翼之其亭廡廨

舍門祠犴獄靡不完備洪武二十五年知縣鄭思

賢繼修永樂元年縣丞貢徵主簿高約各修其廨

正統間因裁革而廨廢正德十年知縣陳錦復建

譙樓嘉靖元年知縣李時鼎建正廳儀門并後堂

頗為完美

醫學

在縣治南六十步洪武七年知縣馮家建今廢址存

陰陽學

在縣治西五十步洪武七年知縣馮家建今廢址存

申明亭

在縣治前左洪武八年知縣馮家建今廢址存

旌善亭

在縣治前右洪武十七年典史楊頴建今廢址存

布政分司

在縣治西四十步正統四年知縣黃禧建

九江道

在縣治南三十步洪武三十四年知縣鄭通建

府館

在縣治東弘治間知縣王春建

府志卷之九

察院

在縣治西三十五步嘉靖四年知縣梁一桂建嘉靖六年知縣李登繼修

瑞昌縣治

在瀼溪之北漢為赤烏鎮南唐時陞為

縣宋嘉泰三年知縣洪均偁重建元因之至順四

年達魯花赤亦刺馬丹增置元末兵燬

國朝洪武二年知縣黃頴廼於遺址開創洪武八年

知縣李鳳改立治廳三間南向豎戒石有亭左為

架閣油燭二庫右為貯積儀仗二庫去廳二十步

為儀門西則監房東則土神祠外為譙樓知縣宅

在退思堂之後典史宅附其東吏舍列正廳西廊之備正統成化間知縣劉仁宅唐綸相繼修之弘治三年知縣潘曰厚因廳堂損朽重加增葺正德五年知縣黃源大復建譙樓及舊所未備者靡不新焉

醫學

舊在稅課局左洪武間知縣李鳳建正德五年知縣黃源大遷於譙樓外西隅

陰陽學

舊在邑厲壇西洪武間知縣李鳳建正德五年知縣黃源大遷於譙樓外東隅

申明亭

在治譙樓外醫學之前洪武八年知縣李鳳建

府志卷之九

十九

旌善亭

在譙樓外陰陽學前洪武十五年知縣劉從建今廢

布政分司

舊在縣治昇龍宮右弘治四年分守參議李魁命知縣潘曰厚遷山川壇之右

九江道

舊在風雲雷雨壇右弘治五年分巡僉事張原潔命知縣朱廷宗遷布政分司右

府館

在縣治東南弘治二年推官吳經改總舖為之正德八年知縣黃源大遷今所即風雲雷雨壇舊

址也

赤湖河泊所

在安泰金城二鄉之界去縣治北二十五里洪武八年知縣李鳳建正德

八年知縣黃源大重建

演武廳

在城外東二里許正德四年知縣黃源大建

湖口縣治濱江負山古鄴陽鎮也南唐時始爲縣

元至正七年縣尹張士熙重建壬辰兵燬

國朝洪武初知縣郝密仍於故址創正廳幕廳暨左右六房廳前二十步爲儀門廳右十步爲架閣庫立戒石亭于中道儀門內爲土神祠其後爲犴獄知縣宅在退思堂後宣德間知縣趙誠陳添佐鄭杲咸修之丞廨在治廳左今爲俸給倉簿廨在治廳右今爲典史廨吏舍列于廳之東北天順四年

府志卷之九

二十一

知縣謝和典史史敏增建弘治間知縣汪明鼎修又於儀門外二十步建譙樓三間厥制載新

醫學

在縣治南狀元坊洪武十七年知縣鄭道宗建正德十五年知縣章玄梅修

陰陽學

在縣治北宣化坊洪武十八年知縣鄭道宗建正德十五年知縣章玄梅修

申明亭

在縣治左十五步洪武十六年知縣鄭道宗建

旌善亭

在縣治右十五步許洪武十七年知縣鄭道宗建

彭蠡驛

在縣治南一里許洪武元年知縣郝密建

湖口鎮巡檢司

在狀元坊去縣治南一里許洪武元年知縣郝密建

茨石磯鎮巡檢司

在都盛鄉去縣治北十五里洪武元年知縣郝密建

禁江峯山逆沙夾河泊所

在縣治北一里許洪武二年知縣郝密建

布政分司

舊在縣治西成化七年知縣鄭杲改創于縣治北成德嶺後因偏僻弗便又遷

彭蠡驛左弘治四年知縣周顯建後知縣汪明鼎建

九江道

在澄清坊去縣南十步洪武五年知縣趙祥建弘治間知縣汪明鼎建

府館

在縣治西弘治四年知縣周顯建即布政分司之舊址

彭澤縣治

漢晉時置于彭澤鄉唐武德五年徙于

涪州故城南唐昇元二年遷于小孤江次元因之

至正八年主簿福僧重建壬辰兵燬

國朝洪武初知縣黃安太仍創治廳及後堂左右分

列六曹廳前二十步為儀門門外東轉而北為譙

樓幕廳附正廳之左架閣庫在正廳之後又後去

四十步為知縣宅左右介為丞簿宅今廢右後為

典史解吏舍列儀門外之東西戒石亭土神祠及

監房規構率備永樂九年知縣黃諒洪熙元年知

縣韓亨弘治二年知縣徐俊相繼葺理越四年知

縣張顯增飭廳宇譙樓及儀門等制視舊益加宏

壯正德七年知縣何士鳳重修等志都達見記曰名可立乎立之必

以其功功可立乎立之不以其名蓋君子患無功焉不患名之不稱也古今之功名大小雖異其為邦家之光則同惟我皇元聖神建極百僚師帥庶蹟咸熙于時余以不才領選授彭澤令彭澤為江州上邑自南唐昇元時更于新治民之安土樂生久矣至正丁亥春悉燬于回祿以故署事無庭典籍無司廩居亦散落而無定邑長相與謀復舊制未果明年主簿福僧奉貢回自京師不違寧處乃倡為經營之議以聞于郡監郡及郡守謂僚佐曰建德久之功必俊人之士乃今撫字之責令長是膺經綸之才舍簿何以遂專擢勉之簿既受命益思盡忠早作暮息躬親視事須材遴工得無不良

府志卷之九

孜孜焉克勤罔輟惟恐其廢弛怠惰而替上命也由是捐俸以率好義之士順時以梭子來之民出納以謹厚之家程督以明敏之吏布置相宜興作循序井井乎有條不紊惟恐其後用傷財或為民病也是序冬始構而門堂廡閣亭祠獄舍規模倍加於昔然其心猶恐聊且粗畧而貽後慮也簿之所行如是是則衆人之所共知也夫豈自為身計為家計又為干譽計哉蓋欲上以勝重任下以權民心近有以安於今遠有以裕於後簿之所存如是是豈衆人所能識哉知不知公固無與而誠則有不可掩者落成之日豈邑禿烈縣尉蕭文輝暮賓何元鎮咸相與嘉嘆且曰食公食而治公職者莫不朝於斯夕於斯以承宣於斯孰能先之勞之以成其美也歛民財而按民力莫不利於此害於彼興咨怨於下求其鼓舞振作而趨事赴工者亦幾哉雖邑治之作爲所當為惟得其人而後可以

祛厥弊而後可以濟厥美矣否則峻宇雕牆者安能一日居之吁善何可泯也且屬余文以記其善予惟朝廷設官分職所以代天工九若此者皆分內事爾可勝錄邪然以予之迂疎忝居正列視公之英年始仕才美則技乎世祿之流蓋嘗聞之自公高曹已嘗致身朔土暨至元間公之父武德將軍智勇迥常累建大勲而膺大賞公能繼其志有光於前則其家法之善漸染之素從可知矣異時為國柱石克堪重任詎不自此而覘之乎予既服郡侯之明於任人又難掩邑大夫之優於揚善且樂為將來蒞事者道也

醫學

舊在縣治東崇儒坊三十步弘治元年辛訓科陶焯改遷于縣前總舖右

陰陽學

舊在縣治北崇儒坊正統四年訓術柴仁山遷于五柳坊稅課局舊址

府志卷之九

二十三

僧會司

在普明寺

申明亭

在縣治東宣化坊洪武八年知縣解宣建弘治十二年知縣王琦重修

旌善亭

在縣治西宣化坊洪武十六年知縣嚴士真建弘治十二年知縣王琦重修

峯山磯鎮巡檢司

舊在建安鄉去縣治南三十里正統十一年知縣鄧周因其地

僻奏遷于縣治西長洪嶺之陽

馬當鎮巡檢司

在新興鄉去縣北三十里元至正間巡檢唐鐸英建于馬當山麓洪

武十一年巡檢邵綱改遷今所

黃土港口河泊所

在五柳鄉去縣南五十里洪武元年所官徐應祥建

仰天池河泊所在新興鄉去縣治北四十里

龍城驛在五柳坊去縣治北半里許舊名彭澤水驛洪武九年改今名弘治十三年燬于火

四年知縣王琦重建

布政分司在澄清坊九江道右正統七年知縣鄧周以三皇廟廢址建弘治十六年知縣

王琦從今所

九江道在澄清坊去縣治西北半里許弘治十六年知縣王琦重建

府館即布政分司舊址弘治十六年知縣王琦建

郵傳附

府總舖德化附在郡治前右二十步許

石塘舖去城南十里

妙智舖去城南二十里

太平舖去城南三十里

南昌舖去城南四十里

丁田舖去城南五十里

義門舖去城南六十里

青居舖去城南七十里

栢山舖去城南八十里

公祖舖去城南九十里

右南舖九通德安縣

朗山舖去城西七十里

高良舖去城西八十里

新塘舖去城西九十里

茂溪舖去城西一百里

右西舖四通瑞昌縣

安仁舖去城北十五里

崇德舖去城北三十里

傳政舖去城北四十里

右北舖三通湖口縣

德安縣總舖在縣南二十步

泗溪舖去縣北十里

黃孺舖去縣北二十里

林清舖去縣北三十里

府志卷之九

二十五

右北舖三通本府

陽居舖去縣南十里

米嶺舖去縣南二十里

右南舖二通建昌縣

橫橋舖去縣東十里

右東舖一通南康府

瑞昌縣總舖在縣治左二十步

亭子舖去縣西十里

金谿舖去縣西二十里

甯公舖去縣西三十里

松山舖去縣西四十里

右西舖四通興國州

湖口縣總舖在縣治前二十步

新安舖去縣東二十里

石澗舖去縣東四十里

右東舖二通彭澤縣

彭澤縣總舖在縣治北三十步

白楊舖去縣南二十五里

青山舖去縣南六十里

右南舖二通湖口縣

